



Prikupljeni brojni dokazi protiv vehabijskog vođe

# Spremna optužnica protiv Bilala Bosnića

Tužilaštvo BiH jučer zatražilo novi pritvor za Bosnića

Tužilaštvo BiH uputilo je jučer Sudu BiH prijedlog za produženje pritvora Bilalu Bosniću, neformalnom vođi vehabijske zajednice u BiH, koji je prije tri mjeseca uhapšen u akciji Državne agencije za istrage i zaštitu „Damask“ pod sumnjom za terorizam.

Za Bosnića je zatraženo još tačno 25 dana pritvora zbog opasnosti od bijega te zbog opasnosti da bi boravkom na slobodi mogao ometati istragu, prikrivati dokaze i vršiti utjecaj na svjedoke ili saučesni-

ke. On je u pritvoru proveo već tri mjeseca.

Tužilaštvo je za osuđeničene Avdulaha Hasanovića, Enesa Mešića, Emina Hodžića i Adema Karamuju zatražilo mjere zabrane, čime bi njihov boravak na slobodi bio sveden na oblik kućnog pritvora, odnosno ograničen na boravak u mjestu i objektu stanovanja.

- Tužilaštvo BiH u završnoj je fazi istrage i uskoro se može očekivati podizanje optužnice protiv osumnjičenih za kazneno djelo javnog poticanja na terorističke

aktivnosti - rečeno je jučer iz Tužilaštva BiH.

No, „Avaz“ iz izvora bliskih ovoj pravosudnoj instituciji saznaje da je optužnica već kompletirana i u narednih nekoliko dana trebala bi biti podignuta te poslana Sudu BiH na potvrđivanje.

Istragom Tužilaštva utvrđeno je da je Bosnić organizirao odlazak bh. državljana na strana ratišta te finansirao njihove aktivnosti kako bi se oni priključili terorističkoj organizaciji Islamska država (IS). **M. AŠČIĆ**

